

امبارڪي 1

- 1 امبارڪي ا-يڱا-ورڱاز ڳي-ور-يفٽون
ف-يسوينگيمن ن-ايت-لعار،
ءولا-دا-يتمونو د-وغاراس ن-يمعصان،
ءولا-دا-يتڱاوار غ-ڱر عيطنائون.
- 2 هاتي اوال ن-رڳي ا-س-ا-يتفراح.
اوال-نس ا-غ-ا-يسوينگيم عيضر ءولا ازال.
3 عيڱا زوند تاسغارت غ-تاما ن-يسورا ن-وامان،
ار-تاڱا لغلت، عيفراون-نس ءور-ا-تسلاون.
ڪوڻو ما-يسڪار ار-د-يتاوي لخير.
- 4 ءور-را-ييلي لخير ءي-يمعصان.
ڱان زوند اليم ڳي-يسيتي لعاوين.
5 ءور-راد-زڱان غ-واس لَحساب.
ءور-راد-بيدن غ-ڱر ويلِي-ف-يرضا رڳي.
6 اشڪو رڳي ار-يتڱابال اغاراس ن-ويلِي-ف-يرضا.
عيمّا اغاراس ن-ايت-لعار ار-يتاوي س-لهالاك.